



## **Ollscoil Chathair Bhaile Átha Cliath**

### **Institiúid Oideachais DCU**

Scoil na Teanga, na Litearthachta agus an Oideachas Luath-óige

Post mar Léachtóir san Oideachas (Teagasc na Gaeilge)

Post amháin ar chonradh 3 bliana

### **Cúlra**

Mar thoradh ar phróiseas foirmeálta idir Coláiste Phádraig, Droim Conrach (CPDC), Institiúid Oideachais Mater Dei (IOMD), Coláiste Oideachais Eaglais na hÉireann (COEÉ) agus Ollscoil Chathair Bhaile Átha Cliath (OCBÁC) rinneadh CPDC, IOMD agus COEÉ a ionchorprú go hiomlán in Ollscoil Chathair Bhaile Átha Cliath agus go gcruthaíodh aonán amháin ollscoile. D'eascair dhá fhoras mhóra as próiseas an Chláir Ionchorpaithe seo:

1. Institiúid Oideachais DCU (an chéad Dámh Oideachais in ollscoil in Éirinn) agus
2. Dámh na nDaonnachtaí agus na nEolaíochtaí Sóisialta, dámh mhéadaithe bhreisithe.

### **Réamhrá**

I mí Mheán Fómhair 2016, tháinig foirne acadúla ó Scoil Léann an Oideachais DCU, Roinn an Oideachais i CPDC, Institiúid Oideachais Mater Dei agus Coláiste Oideachais Eaglais na hÉireann, le chéile mar Institiúid Oideachais DCU, an t-ionad barr feabhais is mó in Éirinn in earnáil an oideachais. Cuirfear cláir léinn ar fáil a ullmhóidh múinteoirí agus oideoirí do na leibhéil oideachais uile: oideachas luath-óige, bunoidreachas, iarbhunoidreachas, oideachas tríú leibhéal agus breisoideachas san Institiúid.

Tá Institiúid Oideachais DCU lonnaithe i bhfoirgneamh saintógtha, úrscothach, ar caitheadh €70 milliún air, ar Champas Choláiste Phádraig, áit a bhfuil mic léinn ag obair, i dtimpeallacht idirghníomhach spreagúil, le hoideoirí ar ceannairí ina réimsí iad.

### **Clár Teagaisc**

Cuireann Institiúid Oideachais DCU cláir léinn ar fáil a ullmhaíonn múinteoirí agus oideoirí do na leibhéil oideachais uile: oideachas luath-óige, bunoidreachas, iarbhunoidreachas, oideachas tríú leibhéal agus breisoideachas.

Mar aon le croí-réimsí na hOiliúna Tosaigh Múinteoirí, cuirtear cláir léinn ar fáil san oideachas agus san oiliúint iaréigeantach, ag leibhéil fochéime, iarchéime agus Dochtúireachta. Tá sé i gceist freisin forbairt ghairmiúil leanúnach a chur ar fáil dóibh siúd i gcoitinne atá ag obair i gcontanam an oideachais.

Bíonn deis ag mic léinn Institiúid Oideachais DCU bheith ag obair go dlúth le saineolaithe atá aitheanta go hidirnáisiúnta maidir le foghlaim agus teagasc, i dtimpeallacht nuálach atá in oiriúint don fhoghlaim san 21ú haois.

## **Léachtóir san Oideachas (Teagasc na Gaeilge)**

Tá sé i gceist ag Scoil na Teanga, na Litearthachta agus Oideachas Luath-óige Léachtóir a cheapadh le dul ag obair mar chuid d'fhoireann Theagasc na Gaeilge.

Tugtar achoimre thíos ar na freagrachtaí a bhaineann leis an bpost seo. Mar aon leo seo, beifear ag súil go gcuirfidh an té a cheapfar leis an teagasc i réimsí eile den Oideachas (faoi stiúir Cheann na Scoile) anuas ar na sainréimsí, agus go gcuirfidh sé/ sí le hobair Institiúid Oideachais DCU i gcoitinne.

## **An tIarrthóir Rathúil**

Tá an Scoil ag lorg iarrthóra le cúlra láidir i dTeagasc na Gaeilge agus i gcomhthéacsanna bunoidreachais /iarbhunoidreachais nó eile. Ní mór céim onóracha a bheith ag an iarrthóir agus cáilithe ag leibhéal iarchéime. Tá céim dochtúireachta i réimse ábhartha mar aon le taifead taighde agus foilseacháin den scoth inmhianaithe ag an iarrthóir rathúil. Ba chóir go mbeadh ar a laghad trí bliana de thaithí chuí ag an iarrthóir.

## **FREAGRACHTAÍ AN TÉ A CHEAPFAR:**

Ar na freagrachtaí a bheidh ar an té a cheapfar, beidh:

- Pleanáil, múineadh agus scrúdú ar chúrsaí i dTeagasc na Gaeilge mar chuid de na príomhchúrsaí oideachais ar an BOid. agus ar an Dioplóma Iarchéime san Oideachas (Bunmhúinteoireacht);
- Pleanáil, múineadh agus scrúdú ar chúrsaí i dTeagasc na Gaeilge mar chuid de na príomhspeisialachais agus na mionspeisialachais agus de na cúrsaí roghnacha ar an gclár BOid agus ar an gclár Dioplóma Iarchéime san Oideachas (Bunmhúinteoireacht);
- Maoirseacht a dhéanamh ar riarachán agus eagrú na modúl i dTeagasc na Gaeilge san oideachas tosaigh do mhúinteoirí;
- Pleanáil, múineadh agus scrúdú ar chúrsaí i dTeagasc na Gaeilge mar chuid d'fhoireann Theagasc na Gaeilge i réimsí inseirbhíse, forbartha gairmiúla leáúnaí, agus ag leibhéal an MOid agus ag leibhéal na Dochtúireachta.
- Cur le forbairt cúrsaí nua i dTeagasc na Gaeilge;
- Próifíl taighde agus foilseacháin reatha, a bheadh ag teacht le spriocanna taighde straitéiseacha na Scoile agus na hOllscoile, a fhorbairt;
- Maoirseacht a dhéanamh ar Shocrúchán Scoile agus na dualgais a ghabhann leo – tacú leis mic léinn, meastóireacht a dhéanamh ar chuartheanna scoile, tuairiscí a scríobh agus freastal ar chruinnithe cuí;
- Cur le clár teagaisc Institiúid Oideachais DCU i gcoitinne, faoi stiúir Dhéan na Institiúide;
- Cur le comhchláir thaighde, agus acmhainní a fhorbairt i gcomhpháirt le comhghleacaithe de chuid fhoireann Theagasc na Gaeilge, Institiúid Oideachais DCU agus na hOllscoile i gcoitinne.
- Comhoibriú le hathbheithniú clár agus le forbairt Institiúid Oideachais DCU.

## **CÚRAIMÍ OIBRE AN TÉ A CHEAPFAR**

### **Cáilíochtaí:**

Beidh saineolas ag an té a cheapfar ar Theagasc na Gaeilge agus ar Theagasc trí Ghaeilge ag an mbunleibhéal agus/nó iar-bhunleibhéal. Is gá d'iarrthóirí saineolas a bheith acu ar

Churaclam na Gaeilge (Bunscoil), taithí blianta a bheith acu ag múineadh, mar aon le hardchumas sa Ghaeilge agus suim dhearfa i múineadh na teanga sin. Tá gá le cáilíocht iarchéime agus bheadh sé inmhianaithe í seo a bheith ag leibhéal Dochtúireachta.

### **Eolas agus Taithí (Riachtanach & Inmhianaithe)**

- Beidh saineolas ag an duine a cheapfar i dTeagasc na Gaeilge agus in oideachas ag an mbunleibhéal agus/nó iarbhunleibhéal
- Léireoidh an duine a cheapfar saineolas ar an tumoideachas agus ar ábhair eile a mhúineadh trí Ghaeilge (Foghlaim Chomhtháite Ábhar agus Teangacha)
- Léireoidh an duine a cheapfar eolas ar na réimsí seo a leanas:
  - Taighde ar Theagasc na Gaeilge agus ar Theagasc trí Ghaeilge
  - Taighde ar fhoghlaim agus ar theagasc teangacha
  - Tástáil agus Trialacha teanga a fhorbairt
- Beidh taithí in oideachas do mhúinteoirí ag an trú leibhéal nó ag leibhéal inseirbhíse an-inmhianaithe

### **Scileanna agus Inniúlachtaí**

- Beidh sárscileanna idirphearsanta ag an té a cheapfar chomh maith le hardscileanna riaracháin agus eagrúcháin
- Beidh scileanna maíthe ag an té a cheapfar in úsáid ICT (Teicneolaíocht Faisnéise agus Cumarsáide)
- Beidh an té a cheapfar tiomanta do thaighde agus don fhoilsitheoireacht ardchaighdeáin agus léireoidh sé/sí go bhfuil sé ar a c(h)umas Clár Taighde dírithe ar Theagasc na Gaeilge a fhorbairt.

Maidir leis an té a cheapfar, beifear ag súil go gcuirfidh sé/sí go suntasach le forbairt, múineadh, measúnú agus riarachán clár reatha fochéime agus iarchéime. Cuirfidh sé/sí go mór le dearadh, forbairt agus bainistíocht clár agus tionscnamh eile i réimse Theagasc na Gaeilge sa toadhchá. Mar bhall d'fhoireann Theagasc na Gaeilge, beidh an té a cheapfar ag obair go dlúth le comhghleacaithe sa Scoil agus sa Dámh chun comhtháthú Theagasc na Gaeilge a chur chun cinn sna cláir léinn i gcoitinne, trí fhorbairt ghairmiúil a chur ar fáil do bhaill foirne.

Is cuid lárnach den phost í maoirseacht a dhéanamh ar Shocrúcháin Scoile agus na dualgais a ghabhann leo – tacú le mic léinn, meastóireacht a dhéanamh ar chuariteanna scoile, tuairiscí a scríobh agus freastal ar chruinnithe cuí. Mar aon leo sin, beifear ag súil go mbeidh an té a cheapfar páirteach i gcláir theagaisc na hInstitiúide i gcoitinne, faoi stiúir Cheann na Scoile nó lucht bainistíochta na Dáimhe.

Beidh an t-iarrthóir rathúil tiomanta don taighde den scoth agus don fhoilsitheoireacht i mór-irisí piarmheasúnaithe idirnáisiúnta, agus le foilsitheoirí leabhar ardchaighdeáin. Cuirfidh sé/sí le léann agus le saol na hOllscoile trí thaighde a dhéanamh a mhéadóidh cáil na hOllscoile mar institiúid teagaisc atá faoi threoir taighde. Cuirfidh sé/sí go suntasach le forbairt chlár taighde Institiúid Oideachais DCU.

### **Breis eolais:**

Tá breis eolais ar Institiúid Oideachais DCU le fáil ag [http://www.dcu.ie/institute\\_of\\_education/index.shtml](http://www.dcu.ie/institute_of_education/index.shtml).

### **Scálaí Tuarastail:**

Léachtóir os cionn an bhaic: €50,159 - €76,891

Léachtóir faoi bhun an bhaic: €37,352 - €51,724\*

\*Déanfar ceapachán de réir cáilíochtaí agus taithí, agus déanfar é ar an bpointe cuí den scála tuarastail Léachtóra os cionn an bhaic nó Léachtóra faoi bhun an bhaic ag teacht le Polasaí Pá reatha an Rialtais.

### **Dáta Deiridh:**

**21 Samhain, 2016.**

### **Nós Imeachta Iarratais:**

Tá foirmeacha iarratais ar fáil ar shuíomh OCBÁC [Current Vacancies (Open Competitions)] ag <http://www4.dcu.ie/hr/vacancies/current.shtm> agus, freisin, ón Roinn Acmhainní Daonna, Ollscoil Chathair Bhaile Átha Cliath, Baile Átha Cliath 9. Teil: +353 (0)1 700 5149; Facs: +353 (0)1 700 5500 R-phost: [hr.applications@dcu.ie](mailto:hr.applications@dcu.ie)

**San iarratas agus ar líne an ábhair sa ríomhphost, sonraigh go soiléir, le do thoil, an post ar a bhfuil tú ag cur isteach: Tagairt an Phoist # 420 Léachtóir san Oideachas (Teagasc na Gaeilge).**

Níor mhór foirmeacha iarratais a sheoladh ar ríomhphost chuig [hr.applications@dcu.ie](mailto:hr.applications@dcu.ie) nó ar Fhacs: +353 (0)1 700 5500 nó tríd an bpost chuig An Roinn Acmhainní Daonna, Ollscoil Chathair Bhaile Átha Cliath, Baile Átha Cliath 9.

*Is fostóir comhdheise í Ollscoil Chathair Bhaile Átha Cliath.*